

Kerweredd 2018

En scheene Umzug woar des heit,
isch grieß eisch all ihr Rämschder Leit.

Es goanze Joahr iwwer heb isch ermiddeld,
wer hod wem mim Schipfword betiddeld,
bei wem is wos außem Ruder gelaafe,
hod Stress mid de Gattin, weil er de falsche Krom dud
oikaafe,
is in de falsche Bus oigestieje,
orrer dud in de verkehrde Urlaubsord fliehje.

Des alles heb isch mer nodierd,
un doraus die Kerbredd formadierd.

Drum horrschd gud zu in gebd foi achd,
dass ihr aach wissd, wer hod was fern Misd gemachd.

Doch bevor isch du ins ördliche Geschen oigreife,
dud moin Bligg erstemol Rischdung Rathaus schweif:
Weil von do driwwe gids vel Neues zu berischde,
die Astrid is ford un de Willy solls jetzd rische.

Die Astrid hod so oiniges in Mühlal gefuchsd,
un deshalb hod se ne long rumgedrugsd,
hod sich fer de Bundesdag uffstelle losse,
knapp de Wahlkreis gewunne un es Radhaus verlosse.
Un nooch dem sich hod die Regierung endlich
gefunne
Wor se aach schun in soem blaue Sessel im Plenum
verschwunne.

Do wingd se alsemol de Muddi freundlich zu,
un vor dem Zerguss do driwwe do hod se jetzd ruh.

De Chefsessel im Rathaus wor nei zu besetze,
un fünf Kanidade dun in de Wahlkampf hetzte.

Nooch em ersde Wahlgang woren es nur noch zwei:
Die Katharina aus Rodgau un de Willi aus Beerwisch sin
im Schowdown debei.

Un de Willi hod knabb mid fufzisch Stimme gewunne,
Zeid für Veränderungen sin jetzd gekumme.

Jetzd wern koa Äbbelbeem mer in Beerwisch
geschiddeld,

sondern hoffendlich uffem Radhaus de oa orrer
oanner wachgeriddeld.

De Kerwevadder aus Ramschd wünschd viel Glück im
Amd von hier oben,

un wenn de uns oaner ausgibsd dunn mer disch
zusätzlich lobe.

Ewwer jetzd du isch moin Bligg uffs Ordsgeschehe
rischde,

weil jetzd kumme die waren, scheene und ludsische
Geschischde:

Fischer Fischer....

Woann mer wohne dud in unserm scheene Ord,
do geherd mer schun zu de auserwählde Sord.
Meri s sozusage vum Glück geküsst,
weils bei uns oafach mol am scheensde is.

Un wonn mer an Kerb aa noch geboren ist,
des is fer en Rämschder die Krönung, dass ers nur
wissd.

Den oane orrer annere vun denne Glückskinner dud ihr
bestimmd kenn:
De Horneffs Uwe, de Fischer orrer de Puller, nur mol als
Beispiel zu nenne.

Un noch oaner kann an de Kerb meisdens Geburtsdag
feiern,
beruflich dud der do driwwe uff de Gemoo rumeiern.

Als Mühltaler Finanzdirektor isser bekannd,
vun viele wird er weeer aach oafach nur „der Blasse“
Genannd.

Denn dem soi Aussehe is im gonze Landkreis bekannd,
isch saach nur Hautfarbe: Modell weiße Wand.

Doch woo er gemachd hod woor ziemlich
unverfrohren,
er is mid seoim Bärschen an KERB in Urlaub gefahren.

In die Thermen un Badeweld nooch Sinsheim solls
gehe,
un de Rämschder Kerwegodd fand des iwwerhabd ned
schee.

Des wird bestrofd, des is ja kloar,
in Urlaab zu fohrn am schensde Fest im gonze Joahr.

In Sinsheim ogekumme hewwe se glei es Gepäck uffem
Zimmer plazierd,
in die Badeklamodde noi un glei in de Poolbereisch
maschierd.

Es Bärschen glei uff ne Liege nuff,
weil relaxe stand uff ihm Zeddel druff.

De Thomas Kalr wolld erstemol die Lage inspizieren,
es gibd ja verschiedene Bereische wo mer konn
hineispaziere.

Un den Bereisch seiner Träume dud er schnell erspähe,
er hod nämlisch e Poolbar im Wasser gesehe.

So gehd er ins Wasser un dud wie en weiße Hai
hieschwimme

Um glei an de Poolbar de erde Hogger zu erklimme.

Er dud sisch schee in de Sunn plaziern,
nur oons hod er vergesse, so in Buggel mid Sunnecrem
oizuschmiern.

Mer kenne es uns all denge, weil mer sin ja net doof,
veel Sunn uff weißer Hautfarb, des gid e Katastroph.

Doch de Thomas dud des alles ned intressiern,
der tringd Cocktails un dud in Gedonge
Bikinischönheiden mit Sunnecreme oimassiern.

Ewwer nooch ner verddel Stunn dud er aussem
Südseefeeling erwache,
soin Buggel dud spanne un do driwwer kann er
goarned lache.

Er dengd sich „Was en große Mist,
des bassierd nur wann de ned oigecremd bist.“

Die Farb vun soim Buggel, un isch übertreib ned glei,
hod die vun em Feierwehraudo, bei denne is er ja aach
debei.

Un so dud er sisch schmerzhaft Rischdung Bärchen
bewege,
die muss en ersdmol oischmiere, hätschle und pflege.

Die Noochd is e Qual, er liegd uff em Bed,
als wonn mern ans Kreitz genijeld häd
„des hod ja koon Sinn ned, isch haal des ned aus,
Bärchen, pack die Sache wir fahrn nach Haus.“

Un so is nooch en Tooch, un des is ziemlich dumm,
die Urlaubsreise schon wirrer rum.

Dehoom ogekumme wird er mid Brandsalb oimassierd
Un im agedugelde Schloofzimmer uffem Loinebedduch
plazierd.

Ewwer am Kerbmondachowend dud er sich es
ersdemol im Loinehemdsche uff die Kerb naustraue,
un dengd:“ hoffendlich dud mer Kooner uff de Buggel
druffhaue.“

Des woor die ersde Strafe des Kerbgottes un zwar eine
harte,

un die zweid Strafe lies ned lang uff sisch warde.

Doch desmol un ihr glaubd es nischt,

hoods es Bärchen hald erwischd.

Isch erzähl eisch nix neies un isch denk, dass ihr es all
wissd.

Das es Bärchen die Owwerchefkassierererin vum Traaser
Schwimmbad ist.

Do dud se Kadde verkaafe un aach Oittridd kassiern,
doch dann gehd es Kloogeld aus, un des derf ned
bassiern.

Um verdel vor 12 dud se in ihr Audo steije,
um ins Rathaus zu foohrn, do dud nämlisch es Kloogeld
leije.

Un sie tridd aach kräfdisch uffs Gaspedal druff,
denn es Rathaus hod nur noch e verddelstunn uff.

Doch es dud ehr noch loonge un sie rennd ins
Finanzbüro noi,
un segd zum Thomas:“ Pack mer mol Kloogeld oi.
Un wonns schnell gehd machsd nix, des wer sogar
schee,
in de Schwimmboodkass hewwe mer koon Euro meh.“

Es Geld dunse schnell in e Dud noistegge,
un es Bächen dud wirrer rischdung Traase auschegge.

Sie rennd Rischdung Ausgang, doch oon Gedonge hod
se verlosse,

um Punkt 12 wird im Rathaus die Deer abgelosse.

Donn riifsd noch vun hinne:“ Bärchen adieu und machs
gut.“

Un Rickwerds gugge un vorwärts laafe, des is ned gut,
denn mid em große Knall un Riesengeschrei,
schlegd se in die Oigangsdeer vum Rathaus oi.

Do leijd se jetzd uffem Borren rum,
die Noas dud blude un die Brill is krumm.

De Diensd an de Schwimmboodkass muss se erstmol
quittiern,
um zum Hausarzd zum Noos unnersuche zu maschiern.

Des habt ihr davon, isch konns anners ned nenne,
so Sache bassiern nur, wonn mer an Kerb dud in Urlaub
renne

Ewwer de Thomas un es Bärchen sin aus ehrne Fehler
schlau gewornn,
un des Joohr vor Kerb in Urlaub gefoohrn.

Das Urlaub mache ned oofach is, des hewwe mer ewe
schun vernumme,
un diese Hürde hewwe aach zwa Familien aus de
Stiffstrooß ned genumme.

Als erdes e Rentnerehepaar, mer dun se mol Adolf un
Ilse nenne,
wolle bei ehrne Bekannde in Spanien im Heije pennen.
Un schee am Stroond zu leije, zu esse un schwätze,
wolde se mim Flugzeug vun Frankford nooch Sevilla
übersetze.

So sin se mim Gepägg un voll modivierd,
nooch Frankford an de Flughafen marschierd.

Es Gepägg abgegewe un donn dorsch de Zoll,
glei ans Gate gelaafe, de Urlaab wird bestimmd doll.

Doch in ihre Freunde is ene oons passiert,
sie sinn ans falsche Gate marschierd.
Des fälld en ned uff un sie hogge schee dord,
de Flischer nooch Sevilla is schun loong ford.

Irgendwann kimmden woos „spanisch vor“,
un sie laafe mol an de Schalder vor.

Do wern se vun de Stewardess a glei uffgeklärd,
„En Flischer nooch Servilla, do seid ehr verkehrd,
der is schun vor ner Stund abgefloge,
un bestimmt schun hinner Stuttgart in die Schweiz
abgeboge.“

Wannse mol zu ehrne Fluggesellschad dun maschiern,
kenne se vielleicht in negsde Flischer noch zwaa
Plätz oikassiern.“

Des hewwe die zwaa dann aach gemachd,
zum Schalder vun de Airline gelaafe un ihr Schicksal zu
Protokoll gebrachd.

Die Fraa am Schalder segd:“ des is goar koon Akd
Isch buch sie grad um, un Sie wern in de negsde
Flischer gepackd.

Des is unkomplizierd un dud aach schnell bassieren,
allerdings muss isch es doppelde vum Flugpreis
oikassiern.“

Doch soviel Geld wolle die zwaa ned entrischde,
do dunn se lieber uff de Urlaab verzischde.

„Mer ruffe bei de Steffi o, die finds bestimmd ned
dolle,
die soll an de Flughafen foohrn, un uns wirrer holle.“

Doch schun kimmd es negsde Problem aus de Deckung
raus,
es Handy leijd uffem Kischedisch un zwar zuhaus.

Mer kann dann die Steffi doch noch oatelefonieren,
un die fehrd an de Flughafen un dud die zwaar wirrer
hoom manövieren.

Nooch stunnelangem hie un her is mer wirrer in de
Stiftstrooße gelandet,

un hoggd im Wohnzimmer un ned in Spanien am
Strand.

Doch oons dun die zwaa in dem goonze Dorschenanner
verschwitze,

ihr Bekannte dun noch immer in Servilla am Flughafe
sitze.

Doch nach viele Stunde felld en dann oi,
denne aach emol Bescheid zusaache, des wär foi.

Mer dud die Froinde in Spanien dann ohtelefoniern,
un die dunn ohne Besuch aus Ramschd wirrer hoom
marschiern

un die Moral vun der Geschischd:

wonn de ned genaa guggsd wo de hie mussd, fliegsde
hald in Urlaub nischd.

Ewwer die zwaa hewwe drauß gelernd, das wäre ja
gelachd,

un e Woch speeder sin se doch noch nach Spanien un hewwe alles rischdisch gemachd.

Denne ihr Noochboorn, un isch erzähl werglisch koon scheiße

Wolde mim Schwager un soine Familie aach in Urlaub verreiße.

De Markus un soin Schwager hadde sisch vorgenommen, mid ehrne Familie fer e paar Dooch an die Nordsee zukumme.

Doch die Planung die se gemoochd hewwe, do ddriwwer bin isch entsetzd, die hewwe sisch nur Nachrischden geschickd un ned minanner geschwetztd.

Das des ned gut gehd, is wohl jedem kloor, un es end vum Lied is, das jeder an em oonnere Urlaubsord war.

Die nooch de Adresse gebuchd hewwe, sin an de Nordsee gelanded,

un die noch em Fodo vum Hodel gebuchd hewwe woorn am Ostseestrand.

Doch wonn mer so en Blesinn machd, do soll mer ned fluche,

gut, 300km außenander is ned so weid, do kann mer sisch ja mol besuche.

Eisch Urlaubsspezialisde aus de Stiftstrooß geb isch noch mid,

weil in Urlaub foohr do seid ihr werglisch ned fid,

vielleischd gehd ihr oofach mol in de Frisörsalong im Nachbarhaus,

denn die Chefin kennd sisch mid Urlaubsreisen werglisch gut aus.

Die negsd Geschischd is e bissje pikand,
deshalb wird de Nome ned gennad.

Die handeld vun em werglisch scheene Borsch,
bei dem gehe ewwer die Hormone alsemol dorsch.

Des is en ordenliche, en zarde, en feune,
wonn mer dem weh dud, dud er glei groine,
is immer gut oogezohe un a schee frisierd,
un hod letzd Joohr en Ausbildungsjob bei de
Bundespolizei generierd.

Doch er hod a Problem un dodraus wird er selber ned
schlau,
er findt oofach koo rischdisch Frau.

Un da er dud soi Problem selbsd ned erkenne,
muss isch em haldmol de Fehler schnell nenne:

er dengd hold er wär de schendsde Kerl do im Ord,
wonn isch sowas her, wer fisch misch vor Lache glei
ford.

Un genaaso hübsch wie er soll es Mädche aach soi,
e subber Aussehn un die Klamodde immer foi.

Gut, das er ned de schendsde is, is wohl jedem Kloor,
unsern Bursch siehd nämlisch aus, als wer er ersd
seschzeh Joohr.

Doch jetzd nenn isch soi Problem mol in einem Satz,
dorsch soin hormonelle Iwwerdruck in soim Körper is
unser Kerl immer geil wie en Watz.

Un um den Druck ned immer händisch zu entlaste,
dud er sich bei Amazon in der Sparte Sexspielzeug
vortaste.

Un do hodder sich donn a glei rischdisch umgeschaut,
un hod was gefunnde: es is en weibliches
Geschlechtsteil aus Silikon noochgebaud.

Des Teil wurd geakaafd un das es konner find un dud
erschregge,
dud er es in ner Tennisballdos in soim Zimmer
verstecke.

Doch weil er die Woch iwwer a Zimmer in Bamberg zur
Ausbildung dud nutze,
muss soi Mudder hald aachemol in soi Stubb in
Ramschd um zwar zum butze.

Do dud se donn staubsaugen un abwische un machd
alles schee foi,
uff oomol dengdse, was wird wohl in der Tennisballdos
soi?

„Moin bu is nur Fußballschiedsrischder, so weid isch
misch kann besinne,
das der Tennis speeld, do kann irgendwas ned
stimme.“

Un so nimmd se die Dos un machd se mol uff,
un guggd uffs weibliche Geschlechtsteil owwedruff.

Sie dengd:“ Was en Watz, des kann doch alles ned soi.“
De Deggel wirrer druff un die Dos wirrer ins Regal enoi.
Doch die Bilder krigdse nemmej aussem Kopp erhaus
Was e Sauerei in unserm Haus.

Doch des Ding dud ihr nochemol vor die Aache kumme,
weil unsern Borsch hods noochem Gebrauch mid zum
reunische ins Bod genumme.

Un hods nadierlich, un isch erzähl koo Bosse,
nochem Reunischungsvorgang uffem Waschbegge
vergesse un leie losse.

Isch her jetzd uff mid dem egelhafde Klimbim,
sonsd heb isch die Bilder aach noch fer immer im Kopp
drin,
vun doine fragwürdichen Entsafterei,
isch sach eisch nur, des muss ned soi.

Un jetzd noch en Tipp von mir an disch moin Borsch
Schnauf ersdemol rischdisch dorsch,
denn doi Problem lässd sich goonz schnell beende,
du oofach doin Oospruch an die Frauen mol senge.

Zum Schluss gehds noch e mool um en besonder Mann,

der ned nur die Kerweredd ghoasdride kann.

Als Kind wolld er schun immer woos mid Dieren mache,
weil er das innere mag an solsche Sache.

Diere vun inne sin ihm ned fremd,
weil man ihn den Metzgermeister nennd.

En Meister in Sachen Worschdesain,
ihr Leid, was glaubd ihr wen isch hier mein?

Vorm Urlaub solls nochemol schee aussehe
Drum wolld de Roman Karl nochemol de Rase mähe.
Schnell entschlosse
wird sisch uff de Rasenmäher geschosse
Mid dem Rasetracker is des ah en Kinderspiel,
genügend PS und ab is de Stiehl.

Jedoch tuts dann plötzlich im Mähwerk krache,
doch unbeirrd dud de Roman de Rase ferdisch mache.

Er woor gonz Stolz uff sei englische Wies,

doch donn kimmd es werglische geschiss:
Sei Frah wie se grad die Wäsch uffhängd,
un ned werklisch an wos Böses dengd, fälld plötzlich
de Blick uff de Familienkarrn.

En Riss un zwo Löscher, sie dengd:“ Isch spinn!“
Mitte in de Heckscheib drinn.

Mid dem Audo wolde se an de Flughafe foohrn,
wos soll isch sage, daraus is nix geworrn.

Es Mähwerk hat gonz ungenierd,
deverse Steine rischdung Audo katapuldierd.

Ewwer so e kapudd Heckscheib kann en Urlaubswillige
net abhalde,
un so muss es Audo vun de Oma als Airliner hinhalde.

Die Moral vun der Geschischi:
Besser Worschi mache, den Mähe lohnd sich nischd.

Isch kennd jetzd noch e Stunn loong wieder berischde,
weil isch kenn noch die oo orrer oonner Geschischde.
Doch irgendwonn un do erzähl isch koon Stuss,
is mid de Kerweredd haldemol schluss.

Bleib noch do, dud wos esse, tringe un midenonner
schwätze,
weil en persönlische Kontakt, kann aach koo Handy
ersetze.

Heid Owwend dud Monstergroove die Bühne noch
rogge,
do gehds wirrer rund, do bleibd konner lang hogge.

Un moje frieh um elf, wos isch misch schun froi,
geht's zum Friehschobbe in de Innehof noi.
Do kennd ihr esse un tringe un eisch aach im Schadde
plaziern
Un de Fischer Peder dud dezu musizern.
Un bis zum Owend zu bleiwe gids aach en wischdische
Grund,
do owwe uff de Bühn trällerd dann nämlisch Pfund.

Do werf mer nochmol alles in de Ring, bis zum ersde
Hahneschrei,
denn die Rämshder Kerb is donn fer e Joohr erstmol
vorbei.

Ihr Leid bleibt mer gesund, seid glicklich un froh,
denn die Rämshchter Kerb is do.
